



07.10.2019

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara.

Naalakkersuisunut apeqquq:

- 1. Air Greenland-ip helikopterit pisiarisai annaasiarnermut atugassaasut nunarsuarmi helikopterinik atuisut annersaasa, soorlu uuliasiortitseqatigiiffiit atorumajunnaarnikuusaat pisiarineqarnerannut suna pissutaava?**
- 2. Sooq helikopterit suliffeqarfinnit helikopterinik atuilluartuusunit sillimaniarnikkut pitsaassusiat killeqarpallaaralugit helikopterit atorumajunnaarsimasaat nunatsinni annaasiarnermi atugassanngorlugit pisiariniarneqarpat?**
- 3. Ilumoorpa helikopterit pisiarineqartut sillimaniarnikkut pitsaassusiat qulakkeerniarlugu allanit akulikinnerusumik kingoraartissaannik atuineq annertunerusartoq?**
- 4. Helikopterit pisiariniarneqartut nunatsinni inuit angallannerannut pitsanngorsaanermit ilanngullugit inunnik assartueqataanissaat siunertaralugu kiffartuussinermik isumaqatigiisummi helikopterit nutaat taakku assartueqataanissaat Naalakkersuisut periarfissiissutigisinnaavaat?**
- 5. Silaannakkut inunnik angallassinermi GL 212 helikoptereralugu angallassinierneq pitsaanngitsoq aaqqinniarlugu helikopterit nutaat angallasseqataasinnaanerat pissappat aporfusinnaasut suuppat?**
- 6. Helikopterit nutaat qulimiguuisa kaavititsisuasa sannaasa ernumanaateqartarsimanera pissutigalugu 10 tiimikkaarlugit nalilersuiffigineqartarnera ilumoorpa?**
- 7. Helikopterit pisiarineqartut allanit akikinnerunerat pissutigalugu pisiarineqarpat?**
- 8. Helikopterit nunani allani pitsaanngitsutut ernumanarsinnaasutullu naliliiffigineqarsimanerat ilumoorpa?**

(Inatsisartunut ilaasortaq Aqqaluaq B. Egede, Inuit Ataqtigiit)

Tungavilersuut:

Apeqqutigisama akineqarnissaat sulinermi aamma kiffartuussinissamik isumaqtigiissutit nutaassat suliarineqarnissaat sioqqullugu pisariaqartitaapput. Inunnik annaasiniartarneq aammalu akuersisoqassappat inunnik assarttuussinerup pitsanngorsarnissaanut helikopterit pisiarinqartut atorineqarsinnaanersut paaserusuppara. Inunnik assartuussinermi qulimiguullit nutaat pitsanngorsaaqataasinnaappata soqutiginaateqarsinnaammat. Soorunami apeqqutaatillugu sillimaniarnikkut pitsaassusermik qaffasissumik helikopterit atuussinnaanerat qanoq inissisimansoq.

Kissaatigaara apeqqutit ullut qulit qaangiutsinnagit akineqarnissaat.